

دائرة مخصوصه

در سعادتده باب عالی جوارزند

محل اداره :

مشرق و مغرب

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ابدليني آثار اعاده اولنور

ديش، فلسفه، علوم، حقوق، ادبيات و سياستنامه، رباظاهه كرك سياسي و كرك اجتماعي و مدني احوال و مشوريه اسيريه و بحث ايدر و هفته ده بر نشر از انور.

آبونه بدلي

صاحب و مؤسسلري :

دوسعادتده نسخهي ۵۰ پاره در

ابوالعلا زين العابدين - ح . اشرف اديب

سنه لكي التي آيلني

ممالك عثمانيه	ايچون	۶۵	۳۵	غروش
روسيه	»	۶۰	۳۰	روبله
سائر ممالك اجنبيه	»	۱۷	۹	فرانق

تاريخ تأسيسي

۱۰ تموز ۳۲۴

قبرله دن مقوا بورو ايله كوندريليسه سنوي
۲۰ غروش فضله آلنير

عدد : ۱۰۵

۴ رمضان ۳۲۸ پنجشنبه ۲۶ اغستوس ۳۲۶

بشنجي جلد

اجنبی دشمنانی

طنین رفیق‌مزد حق‌سز اوله‌رق بزه اسناد ایدیلان اجنبی دشمنانی مسئله‌سندن بحث ایتدیکی صروده :

« عهد عتیقه اصول اوروپاده هانکی ملته تطبیق ایدیلسه بوندن ممنون اولور . و بونی کندیسنه جبراً قبول ایتدیرنلره « الله راضی اولسون » دیر؟ دییور ، و براز اشاغیده ده شو سوزلری علاوه ایدیور :

عهد عتیقه‌نک موجودیتندن دولای بزه کی عدم عنونیت و صراحت بر حس عداوته منقلب اولاجقسه بوندن صوکره اولاجق ، آوروپانک حق‌مزد کوستره جکی معامله‌یه نظراً وقوعه کله‌جک و تعین ایده‌جکدر . بناءً علیه بوراده « غایت نازک بر مسئله » قارشیسنده بولونقلریخی ، شرق ایلله غربک مناسباتنک پک دوامی و قوتی بر اساس مخادته استنادی کندیلرینک الرنده اولدیغنی تقدیر ایتک و اوکا کوره بزی اداره ایتک شور دقیقه ده آوروپالیره ترتب ایدن بر وظیفه‌در .

هندستان و عالم اسلام

(فورتنایتلی ریویو) ک اجمال سیاسیستندن :

دوقتور (شیمان) ک آلمان ایمپراطوری ایلله اولان صمیمیتی و آلمان قابینه‌سی ایلله اولان ارتباطی ، کندیسنک هندستان حق‌مزد یازدینی شیلره اهمیت مخصوصه ویردیرر . بوزات (قروچ) غزته‌سنده یازدینی مقاله‌ده انکلتزه‌نک کنج ترکلره دشمن اولدیغنی و ذاتاً انکلتزه‌نک عالم اسلامه عداوتی بولندیغنی ، مصره ، شورایه ، بورایه حاکم اولدیغنی و ایرانه روسیه‌یه ، فاسده فرانسه‌یه مظاهرت ایتدیگنی ، هریرده اسلامک قوتی تنقیصه ، حتی هند اسلاملرینه ایراث مضرت ایلکه چالیشدیغنی بیان ایدیور . بوندن بشقه دوقتور شیمان انکلتزه‌نک دائماً مشکلات مهمه‌یه معروض بولندیغنی ، حتی ۲۰۰,۰۰۰,۰۰۰ هندلینک انکلتزه‌نک علینده اولدیغنی ، شاید انکلیزلر علینده بر حرب ظهور ایدرسه شرقک همان انکلتزه‌نک علینده قیام ایده‌جکنی و بو حسابیه کوره انکلتزه‌نک آسیا تهله‌کسی قارشیسنده متبادیاً دوچار ضعف اوله‌جغنی ، بوایه عموم عالم سیاسیاتده انکلتزه‌نک موقعی دوچار تزلزل ایده‌جکنی علاوه‌مقال ایدیور .

بونشریاتدن مقصد ، آلمانلرک تزئید قوت ایتسی ، ترکیانک اتفاق مثله داخل اولسی ، انکلتزه‌نک روسیه‌دن اوزاقلاشمسی ، اگر روسیه مدبر ایسه آنک‌ده انکلتزه ایلله بوزوشمسی ، فرانسه‌نک‌ده کک انکلیز و کک روسلری ترک ایلسیدر . کچه بونشریاتدن مقصد انکلتزه‌نک هندستانده کی قوتی اهمیتسز کوسترمک ، ترکیایی ، ایرانی و سائر طرفلری وادی خطایه سوق ایتک ایسه‌ده خاصه نظر دقتی جلب ایتک ایسترز که انکلتزه‌نک هندستانده کی قوتی ظن اولندیغنی قدر ضعیف اولمیدیغنی کبی انکلتزه ایمپراطورلغنک موقعی ده متزلزل دکلد .

برقاج آی ایچون هندستان مسئله‌سی بزم بر آز فضله نظر دقتمزی جلب ایده‌جکدر . بو ، بویله اولمقله برابر ، دوقتور شیمانک ظن ایتدیکی درجه‌ده انکلتزه حکومتی ضعیف بر موقعه دکلد . کچه هندستانده حکومت ایلله اهالی آره‌سنده بر درجه‌یه قدر مخالفت افکار وارسه‌ده ، مستقبلاً ده ثابت اوله‌جغنی وجهله ، انکلیز اداره‌سی هندستانده اولانجه

شوکت و رصانته پایدار اوله‌جقدر . بوندن یاریم عصر اول (ریشار-دبارتون) بر اثرنده توصیف ایتدیکی وجهله ، اسکی یونانیلر دیگر محالکه نصل (باربار) نظریله باقارلار ایدیه بو کون مجوسیلری انکلیزلره اسلامره عین نظره باقیورلر . بز شمدی به قدر وظیفه‌مزی ناموسکارانه ایفا ایتیش اولدیغمنز کبی . شمدی ده ایفا ایدیورز وایلر ووده ده ایفایین ایده‌جکدر . بز شرقده انکلیزبان دیراسی آلتنده بولان متضاده منسوبینه معامله عداالتکارانه‌ده بولندق ، شرقده دیانتک ، غربده سیاسیات قدر اهمیت واردر . بو کون هندستانده انکلیز اداره‌سی علینده اجرا ایدیلان تحریکات شدید سیاسی ، عین زمانده ، یتیش ملیون اسلام علینده اولدیغنی کبی ، اسلامیت ایچون ده بر منبع تهله‌کدر . بناءً علیه بزم عالم اسلام حق‌مزد کی احتیاساتمز کک استانبولده و کک قالدکوتنه‌ده بصورتله تلقی ایدلملیدر . هند مجوسیلری نظره اسلاملر بر عنصر مضر کبی تلقی ایدلمکده درلر .

بز باطبع مجوسیلرک ضررینه اوله‌رق اسلامره طرفیکرلک ایده‌میز . ذاتاً اسلاملرده بونی ایسته‌مزلر . شو جهت معلومدر که اگر مجوسیلر جبراً و یا سیاسیاً هندستانده بر قوه حاکمه تشکیل ایتکه تشبث ایتسه‌لر اسلاملر فدای جان ایدر جه‌سینه مجادله‌ده بولنه‌رق بوکا مانع اولورلر . چونکه هند مسلمانیلرینک حال حاضرینی تدقیق ایدلم . بونلر آلتیش مایوندن متجاوزدرلر . یعنی هندستانده کی اسلاملر ژاپونیا‌ده کی ژاپو-نلردن فضله‌در . عین وجهله آلمانیا‌ده کی آلمانلردن ده فضله‌درلر . بوندن بشقه دیگر بر عالم اسلامده کندیلرینه معاونت ایده‌بیلیر . بناءً علیه مجوسیلر بو حرکت اغتشاشیه‌لرنده موفق اولورلرسه همان عالم اسلام قیام ایده‌جک ، مدعش بر مجادله ظهور ایده‌جکدر . بوده‌ینه بر حکومت اجنبیه‌نک مداخله‌سی استلزام ایده‌جکدر . بیانات سالفه‌دن ده مستبان اولور که انکلیزلر عالم اسلام علینده دکل ، بلکه هند مسلمانیلری انکلیزلره هم افکاردر .

شون

دولت عثمانیه :

رمضان شریفه موزیفه همایونک تعطیلی — موزیفه همایونک هراقشام سرای هایونده نوبت چالمسی معتاد اولدینی حالده رمضان شریفک برنجی کونندن اعتباراً بتون رمضانده نوبت چالنامسینی خلیفه دیانتپرور افندمن حضرتلری اراده بیورمفلردر .

اوروج یینلر ایچونه — رمضان شریفده اوروج یمکه جرأت ایدنلر بولندیغنی تقدیرده حقلرنده مجازات شدید اجرا اولنه‌جغنک بیانیله بویله برفعل مذمومه میدان ویرله‌سی باب مشیختدن امنیت عمومیه‌مدیرینه یازلشدر .

ساخته مارشافلیر — امنیت عمومیه مدیریتندن : کچنده برایی کون فاصله ایلله اسلام قیافتنه کیرمش ایکی خرسیتیان قادینی بک اوغلی جاده‌لرنده وفنا بر حال و حرکتده کورلمش و حقلرنده تحقیقات اجراسنه باشلانمشدر . بونک نه کبی بر مقصده مستند اولدینی آشکار بولندیغندن بعد ازین چارشاف کینمش اولدینی حالده بوکبی احوال و حرکاته تصدی ایدنلرک مأمورین انضباطیه طرفندن تعقیب و دوچار جزا ایدیله‌بکلی اعلان اولور .

تونس و جزایر برلبدر و عثمانی درونخاسی — جزایر تونسلی مسلمانیلردن

مرکب بر هیئت یکی کلن زیرهیلر ایچون مراسم استقبالیه حاضر بولنق اوزره بروا بور مخصوصه ایستفانوسه کیتملر ، بارباروسک کلیشنی تماشای ایتدکن صوکره اقشام اوزری عودتلرنده مسعودیه زرهیلرینی زیارت ایتملر ویک زیاده مسرور اولملردر . اوندن صوکرده تونس وجزا یریلرجه پک طائلی خاطرات تاریخیه وجهانگیرانه سی اولان بارباروسک قبریخی زیارت ایتملردر . تونسلی شیخ صالح الشریف ، تونس قاضی حنفیسی شیخ اسماعیل ، مکتب طیبیه طلبه سندن حبیب افندیلر طرفندن کرک مسعودیه ده ، کرک بارباروسک تربیه سنده بالراق نطملر ایراد ایتلشددر . بو جمعیتک اللرنده عربجه ، ترکیه یتنلرله مزین بایراقلر واردی .

ارناودولر هفتده تاحسک مفریاتی مصر مطبوعاتک ردو تکذیبی —
حکومت عثمانیه نایه آرناودولقده کی اجرا آتی تقییح قیلقلی تاحسک مخابرینک غرتیه سنده کوندردکلری مکتوبلری حرفیاً ترجمه ایدن مصر غرتیه لری اوچ ولایت اهلایسی حکومت عثمانیه علیه نه تحریک دیمک اولان نشریات واقعه یه بیان تأسف ایله مخابرک مفریات ردیه سنی ردو تکذیب ایدیورلر . بزم بوراده کی غرتیه لر تکذیب شویله طورسون مکتوبلرک موجودیتندن بیله قانلریخی خبردار ایتدیلر .

عزت هولر غرتیه سنیک دین علیه نشریاتی واسلاملرک لهیجانی —
قاهرده انتشار ایدن وعزت هولونک معاونت نقدییه سنده مظهر اولان المؤید غرتیه سنیک ۶۱۳۸ نومرولو نسخه سنده شریعت مطهره اسلامیه علیه نه لهیجانه وقوعبولان تفرضات ونشریاتدن طولایی محلی افکار عمومیه اسلامیه سی متبسیج بولنقده وجراند سائره یه تقییح وپروتستوتلغرافلری کشیده اولنقده در .
مصرده صریح مطبوعات علیه نه — مصرده مطبوعات حقنده وضع اولنان تعقیبات شدیددن بریده مطبوعات جرآننه دائر ویریه جک حکملرک قابل استیناف اولماسیدر . قانونک بو حکمی برنجی دفعه اوله رقی غایاتی مسئله سی مناسبتیه تطبیق اولنشددر . مصر مطبوعاتی اظهار تأسف و تأثر ایله حکومتک نقطه نظریخی ادله حقوقیه ایله جرح ایدیورلر .

فاس :

صلح قونفره سی وفاس — اخیراً انعقاد ایدن صلح مؤتمری فرانسه واسپانیانک فاسده کی حرکات عسکریه لرنده مشهود اولان آثار توقفدن طولایی بیان ممنونیت ایتش و فرانسه اردوسنک بر آن اول ممالک مذکورده دن چکیلده سی تمیناتنده بولنشددر .

روسیه :

حقوق اسلامیه بی جامع قواعد فقهریه — کنج علما سندن موسی افندی بیکیفیت بوکونلرده قزانده « قواعد فقهریه » نامنده بیوک برائر یازوب باصدمرقله مشغولدر . قواعد فقهریه ، حقوق اسلامیه بی جامع اوله رقی بشیوز صحیفه لک برکتاب اوله جقدر . اربابی ایچون پک فائده لی برائر اوله جنی امید اولنور .

روسیه ده مسلمانلره نصیفات — چیلایی شهرنده کی مسلمان کتبخانه سی ، اوزون اوزادی یه تحریاتدن صوکره مغایر قانون برشی بولمادینی حالده سد ایتلشددر . کذلک اقا زینبورغ شهرنده مسلمان کتبخانه سی ، بلاسب مشروع ، پولیس طرفندن تهیر اولنشددر . اوردکی شهرنده مسلمانلر « شرق قلوبی » نامیه بر مؤسسه ملیه تأسیسی ایچون مرجعه مراجعت ایتدکلری حالده ، استدعاری رد اولنشددر . قرغزل ارانده اسباب سیاسییه مبنی دنیلهرک پولیس طرفندن متصل تحریات اجرا ایتلکده در .

قرغز — روس غوغاسی . — روسیه حکومتی آسیای وسطانه مسلمان عنصرینک حائر اولدینی بیوک اکثریتی اکسلیتمک عینی زمانده مسلمانلرک مدار تعیشی اولان طور اقلریخی تحدید ایله قوه اقتصادیه لرخی قیرمق ایچون سنه لردنبرو اورالره روس مهاجری سوق ایتلکده در . صوک کونلرده آلدیقمز روسیه مسلمان غرتیه لرینک ویردیکی خبرلردن اکلاشیلیورکه بوتضیقات

زوالی قرغز — قازاق قرداشلریزک آرتق جاننه تاق ایتدیکندن ، بو قدر بیک قرغز ، صوبا ، قلیچ ، تفنک اللرینه نه کچمش ایسه آلوب روس مهاجرلرینک اوزرینه هجوم ایتملر و بویله جه باشلایان روس قرغز غوغاسی نهایت قرغزلرک غلبه سیله ختام بولشددر . فقط صکره دن سمرقند طرفندن برطابور روس عسکری کلوب قرغزلری بوسکورنشددر .

روسیلی مسلمانلر قرداشلر مزده لهیت . — برقاچ سنه اول وفات ایدنک ، مکتب و مدارس اسلامیه یه صرف اولنق اوزره ، یارم میلیون روبله قدر وقف برناقش اولان اورنبورغلی احمد بای حسینوفک برادری عمود بای حسینوف ، « رقت » رفیقیزک استخبارینه کوره بوکونلرده ۴۰۰ بیک روبله قیمتده برمالکانه سی اورنبورغ وقارغالی مکتب و مدرسه لری فائده سنه وقف ایتلشددر . بوندن بشقه مشارالیه ۱۰۰ بیک روبله قدر برمبلخی ده قیو ، کوپرو اعمالی کی خیراته ویرور .

الله محمود بایک خیراتی قبول ایله اجرینی ویرسین واغنیای مسلمین آراسنده امثالی آرتدیرسون !

ایر قونکی شهرنده مسیونر قونفره سی . — کچنلرده قزان شهرنده ارتودوکس مسیونرلری بیوک برقونفره عقد ایدنک غیر خرسیتیانلر وعلی الخصوص مسلمانلر آراسنده نشر نصرانیت ایتک اولنک نشر دین ایتملرینه مقابله ده بولنق ایچون استشاره ایتلشددر . عین مقصدله بوکونلرده ، سبیریانک ایر قونکی شهرنده دیکر بر مسیونر قونفره سی ده ها طویلاندی . هر قدر بو قونفره یه ارباب مطبوعاتی کتیر تمیورلر سده اورنبورغلی « وقت » رفیقیز ، قونفردنک بعض مقرراتی استخبار ایتلشددر .

غیر روسلر آراسنده کلیمالر و محله مکتبلری آچق ، اورالرده پاپاس و معلملره غیر روس دیللرینی اوکرتدیرمک ، مسیونرلرک معاشلرینی آتدیرمق ، مسیونرلرک محافظه حسن اخلاق ایتملرینی شدتلی نظارت آلتندم بولندیرمق ، خرسیتیان اولیان اقوای اعاشه ایله خستیانلغه جلب ایچون بر سرمایه تأسیس ایتک ، بومقرراتک باشلیجه لرندن معدوددر .

باقکز ، باشقه لر ناصیل کندی دینلرینک توسعنه چالیشور .
بر بیورک مسلمانک وفاتی . روسیه مسلمانلرینه یوز بیکلرجه روبله خیراتیه نیک نام قزانمش ، میلیونر محود بای حسینوفک وفاتی خبری آله رقی چوق متأثر اولدق . مشارالیه برادرلری مرحوم احمد و عبدالغنی بابلرله برابر پیش یازمه سز تجارتیه باشلامش ایدی ؛ صوک کونلرنده ایسه سنوی یدی سکرز میلیونلی ایش کوریوردی .
الله رحمت ایله سون !

خیوه :

امیرک وفاتی — بو هفته طاشکنددن آلتان برتلغرافدن اکلاشیلیدی اوزره خیوه امیری عبدالرحیم بهادر خان وفات ایتلشددر . مرحومک کیمسه یه نه ایلکی ، نه ضرری طوفون غشیدی . صوفی برذات اولوب ناموس دائره سنده اکال حیات ایتلشددر . الله رحمت ایلسون . ولی عهد اوغلی اسقندیار توره خان احوال زمانه واقف ، هوسکار ترقی و محب معارف درایتلی برکنجدر . امید اولنورکه ماورای حرز مسلمانلری بوذات محترمک غیرت و همیتیه انقباه ایدرک فعالیتیه کلیرلر ومظهر رفاه وسعادت اولورلر .

ایران :

ایران مستشارلر دعوتی — ایران مجلس ملیسنک ناشر افکاری اولان « مجلس » غرتیه سی ایرانیه خارجدن جلب ایدیلر جک مستشارلرک ملل معظمه دن اوله لرینی طلب ایدیور . زیرا ملل غیر معظمه یه منسوب مستشارلرک کافه سی یاروس و یاخود انکلیز تحت نفوذنده اوله جقلرینه قناعات تامه سی وارددر . بوکی مستشارلر طوعاً و کرها روس وانکلتزه اللرنده آلت اوله جقلرنده شک وشبهه ایدیلر . حالبوکه ملل معظمه دن مستشارلر جلب ایدیلر سه بونلرک سربستی حرکاتی منسوب اولدقلری حکومتلر تأمین ایده بیلیلر . دیبور

« مطبعه خیره » وشرکاسی
میر مسئول : اشرف ارباب